

SARS YI LE KU TIRHANENI NO LULAMISA XIPHIQO XO KARHI XA EFILING

Pretoria, Ravunharhu, ti3 Mawuwani 2019 – Vukorhokeri bya Xibalo bya Afrika-Dzonga (SARS) byi lemuka xiphiqo lexi vahakelaxibalo van'wana va hlanganaka na xona. Leswi swi humelela loko va sevha ntlheriso wa vona wa xibalo xa malinghena, no pfula hi vuntshwa ntlheriso xikan'wekan'we no puresa batheni yo hlayela xibalo loko fomo yi nga se nyikiwa hi ku helela. Xiphiqo xi nyanyisiwa hi loko vahakelaxibalo va tliikatilika mikarhi yo tala loko va ringeta ku langutisa ntlheriso wa vona.

SARS yi ta lulamisa tibatheni hinkwato, ku katsa na batheni yo hlayela, laha yi nga ta va yi ri ya wasi loko fomo ya ha nghena. SARS yi ta tlhela yi pima mitliliko eka batheni yin'wana na yin'wana leswaku wu va wun'we.

SARS yi khensa vafayili lava hubuteke eku kombiseni ka mpfilungano lowu eka hina naswona ya tisola eka nkanganyiso lowu endlekeke eka vahakelaxibalo, ngopfungopfu lava a va tiyimiserile ku landzelerisa hi ku fayila mitlheriso ya xibalo xa malinghena ka ha ri na nkarhi.

Hi hlohloteriwa hi ntlakuko wa kahle eka nhlayo ya mitlheriso ya xibalo leyi rhumeriweke hi ku tirhisa eFiling lembe leri. Endzhaku masiku yambirhi ya eFiling SARS se yi amukerile ku tlula hafu ya miliyoni ya vanhu lava ngheneke eka sisiteme, laha 297488 va kombeleke ntlheriso naswona lava fayileke i 88140.

SARS yi tsakisiwa hi ntirhiso wa tichanele ta xidijiti naswona yi tirha hi matimba ku endla leswaku ntokoto wu va wo olova swinene.